



UNIVERSITÄTS-  
BIBLIOTHEK  
PADERBORN

**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Cap. 2. De effectibus excommunicationis.

---

[urn:nbn:de:hbz:466:1-72898](#)

## CAP V T II.

## De effectibus excommunicationis.

## DVBIVM I.

*Qui sunt effectus excommunicationis maioris, id est, sententia excommunicationis, siue actione siue passione consideretur: siue quatenus fertur, vel quatenus aliquem contingit?*

**R** Espondeo: Multos esse effectus istius excommunicationis, qui ferre omnes in particulari pendent ex iure positivo.

1. Effectus,  
priuat co-  
munione  
Sacramen-  
torum.

Primus est, Quod priuat communione Sacramentorum actionem & passionem: ita ut excommunicatus nec possit suscipere, nec alteri conferre ullum Sacramentum. Quod si exercitat actum Ordinis Sacri, etiam fiat irregularis. Hoc intellige de quoniam excommunicato, etiam occulte.

2. Effectus,  
priuat fru-  
ctu sacris-  
tatu publico  
ministro.

Secundus, Quod priuat fructu sacrificij Missae & Suffragiorum Ecclesiae. Ratio est, quia Ecclesia, ut est a via non vult ipsis hunc fructum applicari. Vbi

Notandum Primo: Hoc esse intelligendum de fructu sacrificij, & officii diuinorum, quem habet quantum a Ministero publico Ecclesiae peragitur, ut dictum est supra Tractatu de Sacrificio quest. 83. art. 1, dub. 9, non autem de eo fructu, quem habet, ut celebratur a persona priuata: nam Ecclesia non vetuit priuatis offerre preces, & suo modo etiam Sacrificia pro excommunicatis; immo nec ipsi Sacerdoti, ut est priuata persona, id est, ut habet tantam vel tantam sanctitatem, ut offert tali vel tali denotione: sanctitas enim persona & deuotio, qua offert, pertinent ad oblationem Sacrificij, ut est actio priuata, sicut consecratio Sacerdotalis per quam Sacerdos gerit personam Christi & Ecclesiae, pertinet ad oblationem, ut est actio publica. Vnde etiam licitum est orare pro illis in *memento*, & in quibusvis Orationibus priuatis, quae nomine Ecclesiae non obveniuntur: ut recte Nauarrus c. 27. n. 23. & 36. Couar. in Cap. Alma 1. parte §. 6. num. 4. Sotus dist. 22. quest. 1. art. 1.

Non tamen  
ut est a pri-  
uato.

Notandum Secundo: Nullum excommunicatum, etiamsi excommunicatio sit occulta, comprehendendi generalibus Ecclesiae Orationibus, quibus ipsa pro omnibus Fidelibus orat, ut omnes Doctores fatentur. Ratio est; quia Ecclesia non intendit illos comprehendere.

Priuat fru-  
ctu oracio-  
nis publica:

Notandum Tertiō: Si alicuius excommunicatio non sit denuntiata, nec notoria, probabile esse pro eo posse orari publica oratione, & sacrificium offerri, ut docet Nauarrus num. 36. & Henriquez de Misa cap. 15. Ratio est, quia Ecclesia non vetat communionem cum talibus. Patet ex decreto Concilij Constantiensis, quod incipit *Ad uitanda*, apud Nauarrum num. 35. Vnde videtur sequi, neque orationem vetare pro talibus: nam oratio est communio quedam cum illo, pro quo oratur. Vnde etiam videtur sequi licetum esse offerre pro notoriis excommunicatis, modò non sint denuntiati, aut notorij percussores Clericorum: nam secundum hanc limitationem illud decretum est receptum, ut docet Nauarrus loco citato, & est communis sententia.

Exclude  
folios de  
punctatos &  
actorios.

Notandum Quartō: Si offeratur sacrificium pro excommunicato denuntiato vel notorio clerici percusso, et si contra præceptum Ecclesia fiat, proderit tamen illis ex opere operato, ut supra quest. 83. art. 1. dub. 9, num. 52. dictum est de Sacrificio. Ratio est, quia applicatio fructus sacrificij non ita subest dispositioni Ecclesiae, ut ipsa possit eam irritam reddere, cum Sacerdos offerat ex persona Christi per potestatem immediatè à Christo communicatam, quam Ecclesia non potest limitare. Orationes tamen Ecclesiae non proderunt; neque ut publicæ, quia sic dicuntur in persona Ecclesiae, que noluit eas ipsis prodesse: neque ut priuatae, quia qui contra Ecclesiae præceptum facit, est in statu peccati, ac proinde eius oratio, ut est hominis priuati, virtus non habet impetrandi bona spiritualia alteri.

Notandum Quintō: Hanc pœnam non intelligi de illis excommunicatis, qui sunt in statu gratiæ; neque de alijs, qui coram Deo non sunt excommunicati, quod est contra Dominicum Soto, & quosdam alios. Sed ita sentit Couarruias i. p. §. 6. concl. 9. in Cap. Alma. Nauarrus cap. 27. nu. 36. Turrecremata in Cap. si quis Episcopus II. quest. 3. Antoninus 3. parte titul. 24. cap. 76. Ratio est: quia non est credibile Ecclesiam velle illis sua suffragia subtrahere, qui non amplius contumaces contra illam sunt, & ipsi Deo iam sunt reconciliati.

Tertius effectus: Quod priuat diuinis Officiis, ita ut neque priuatum, neque simul cum alijs possit illis interest, idque ne in festo quidem Paschatis. Tenetur nihilominus recitare Officium, si sit in sacris, vel si habeat beneficium.

Quartus effectus: Priuatio externi coniunctus fidelium.

Quintus effectus: Quod faciat incapacem collationis Beneficij; ita ut collatio Beneficij facta excommunicato sit irrita, quamvis ipse ignoret suam excommunicationem. Ita Couarruias supra §. 7. num. 1. Vnde in litteris Pontificiis, quibus beneficia conferuntur, solet dari ad cautelam absolutio ab excommunicatione, ad effectum praefantium consequendum. Hinc sequitur etiam permutationem beneficiorum inter excommunicatos non valere; quia hic sit mutua collatio, ut idem Couarruias, & alij docent. An autem sit incapax pensionis, dubium est: Vtraque pars est probabilis, ut colligitur ex Couarruiia. Puto tamen non esse incapacem, cum pensione non sit Beneficium vel Officium Ecclesiasticum, & pœna non sint extendendæ. Si tamen pensione requiratur titulum Ecclesiasticum, & vbi Bulla Pij V. de Pensionibus est recepta, erit incapax.

Sextus effectus: Quod priuat voce actionem & passionem in electionibus, non solum ad Beneficia & Officia Ecclesiastica, sed etiam ad dignitates secularium, quibus annexa est iurisdictio; ut ad Regalem, Imperatoriam, Dualem, Praesidis, &c. ut docebat ex Cap. Venerabilem, de Electionibus, vbi vide Panormitanum num. 8. Vnde sequitur, si excommunicatus eligatur ad beneficium, electionem esse irritam. Est communis sententia, ut docet Couarruias §. 7. nu. 1. Similiter postulationem, si postuletur: & presentationem, si presentetur, ut ibidem Couarruias.

Hic tamen Aduerte Primō: Si electus aut presentatus in excommunicatione absoluatur ante acceptationem.

**Si electus vel presbiteratus absoluatur ante acceptationem,** acceptance vel collationem, id sufficere ad acquirendum titulum. Ita quidam, & citat Couarruias hoc non dicit, nec videtur habere solidum fundamentum. Probabilius est, quod ait Couar. n. 4. (etsi dubitatur) nempe si tibi facta sit collatio ante excommunicationem, & postea inculta excommunicatione acceptes collationem, vel ingrediari possessionem, non esse irritam acceptationem, aut possessionis ingressio. Ratio ipsius est, quia acceptatio & ingressus possessionis potius ad factum, quam ad ius pertinet; ut ibidem probat Couarruias: per collationem enim acquiritur ius, eti conditionaliter; &, ipsa acceptatio solum est conditio necessaria ut illud ius fiat absolutum. Ingresso possessionis solum sit quando plenum ius iam acquisitum est. Denique id ipsum comprobatur praxis.

**Si sit toleratus.** Aduerte Secundum: Si ille excommunicatus sit toleratus, id est, si non sit denuntiatus nominatum, aut notorium Clerici percussor, eius electio, praesentatio, & postulatio actua videntur valere post decretum Concilii Constantiensis, sicut etiam actus iurisdictionis valent. Ratio est: quia ad bonum aliorum Ecclesia statuit talem non esse vitandum: in modo ipse non videtur peccare mortiferi hos actus subeundo; quia solum secundario ei prohibentur, sicut & alii actus pertinentes ad communicationem in rebus humanis.

**8. Effectus.** Septimus effectus: Irritam reddit gratiam per rescriptum literarum Apostolicarum obtentam. Vnde etiam in huiusmodi litteris solet dari absolutionis ad cautelam. Vide Nauarum num. 22.

**8. Effectus, liberatus ab obedientia.** Octauus effectus: Liberat subditos ab obedientia Superiorum excommunicatorum tam secularium, quam Ecclesiasticorum: quod intellige, si excommunicatione est publica. Quod si etiam sit denuntiata, aut ob notorium Clerici percussionem, non solum liberat subditos, sed etiam obligat, ne obedient, nisi ad maius malum vitandum: ut aperte colligitur ex Capitulo Nos Sanctorum, & Capitulo Iuratos 16. quæst. 6. de quo plura 2. 2. quæst. 11. art. 4. dub. 5.

**9. Effectus, suspendit ab officio, & Beneficio.** Nonus effectus: Suspendit ab Officio, & Beneficio.

Aduerte tamen Primò: Id quod facit excommunicatus ratione officij publici quadiu toleratur, ratu haberet: si autem non sit toleratus, omnes sententiae, constitutiones, aliquæ legitimæ actus iriti erunt; ut patet ex Capitulo Aduersus, de Immunitate Ecclesiastarum.

**An excommunicatus faciat fructus suos.** Aduerte Secundò: Multorum sententiâ ita suspendi à Beneficio, ut si sit in mora petenda absolutionis, non faciat fructus suos: de quo vide Couarruiam lib. 3. variarum cap. 13. num. 8. vbi dicit, hanc esse omnium consensu receptam sententiam. Sed Petrus Nauarra lib. 2. de Restitutione dub. 4. satis probabiliter contrarium docet. Ratio eius est, quia, Iure non est expressum ipsum perdere fructus ipso facto: vnde cum titulum Beneficij retineat, & officium præstet, non est cur dicamus eum ob nullum peccatum vel censuram fructus non facere suos. Nec obstat Capitulum Pastorale, de Appellationibus, quia solum dicit esse priuandum fructibus: & hac ratione dicitur suspensus à Beneficio, quod nempe fructibus Beneficij possit priuari.

**10. Effectus.** Decimus effectus: Quod excommunicatus non possit esse Testis, Aduocatus, Procurator, Actor,

imod nec possit constituere Procuratorem ad agentem aut impetrandum: vt patet Capitulo Finali de Procuratoribus. De hac re vide latius lib. 2. de Institut. & Iure cap. 29. dub. 7. vbi late deducitur, Virram Index excommunicatus peccet usurpatione iudicij, si iudicia exerceat.

Vnde decimus effectus: Si per annum obdurato animo insorduerit huic censuræ, potest contra eum procedi tanquam contra suspectum de haeresi, ut constituit Tridentinum l. 25. cap. 3. de Reformatione.

Duodecimus effectus: Si moriatur in excommunicatione, caret Ecclesiastica sepulturâ. Intellige de non tolerato.

### D V B I V M I I.

#### Qui sunt effectus excommunicationis minoris?

**P**rimus effectus: Excludit à participatione Sacramentorum, adeo ut mortiferè peccet, qui in excommunicatione minore aliquod Sacramentum percipit; ut communiter Doctores docent. Nam Cap. si celebrat, de Clerico excom. min. dicitur grauter peccare si celebret. Ratio est: quia perceptio Sacramentorum est res grauis, que differt ab Ecclesia huic excommunicato prohibetur.

Secundus effectus: Si quis eligatur ad beneficium, electio est irritanda. Hi duo effectus exprimitur Cap. si celebrat, de Clerico excommunicato. Vbi adiuerte, plorofque Doctores dicere, electionem esse irritam. Quod mirum videti possit, cum textus aperit dicat esse irritandam: & in primis non debet dura interpretatione fieri præter vim verborum.

Ex dictis sequitur, Eum quoque mortiferè peccare, qui sciens huius excommunicationem, confert ei aliquod Sacramentum, vel beneficium priusquam ab hac censura absolvatur: ut passim Doctores docent.

Notandum tamen, Si talis excommunicatus conferat alteri Sacramentum, sic tamen ut ipse Excommunicatus alii confitentes Sacramentum, facit electionem irritandam, non peccare, iuxta Nauarum & alios quosdam; vel certe non nisi venialiter, ut Sotus etiam docet, quod verius est. Nam in Capitulo si celebrat, Gregorius ait, Peccare administrantem, recipientem vero grauter peccare, nempe quia ille venialiter, hic mortiferè. Ratio est, quia est nonnulla irreuerentia, quod conferat Sacra-menta, cum non possit illa recipere.

### C A P V T III.

#### De potestate excommunicandi.

##### D V B I V M I.

##### Vtrum in Ecclesia sit potestas excommunicandi?

**R**espondeo: Fide tenendum est, esse. Probatur ex Scripturis: Matt. 18. v. 16. Si Ecclesiam non audierit, si tibi sicut Ethnici & Publicani; vbi Scriptura. Prælati datur potestas excludendi contumacess ab illis omnibus, quæ sunt Religionis Christianæ, sicut ab illis exclusi est Ethnicus. Confirmatur: Quia ibid. dicitur: Quacunque alleganter super terram erunt ligata & in celo, in quem locum vide Hiero. Zzz iii & Chry-